

Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat (Aningaasarsianik angissusiliisarnerup naammagittaalliuteqarsinnaanerullu aaqqissuussaanageranik pisariillisaajumaneq kiisalu iluanaarutininik akileraarusersuisarnermut allannguuteqartitsineq)

§ 1

Aningaasarsianit akileraarutit pillugit Inatsisartut inatsisaanni nr. 5, 19. maj 1979-imeersumi, Inatsisartut inatsisaatigut nr. 2, 21. maj 2004-meersukkut kingullermik allanngortinneqartumi makku allannguutigitinneqarput.

1. § 19-imi imm. 1-pkingorna immikkoortutut nutaatut ilanngunneqassaaq:

"Imm. 2. Taamaattorli iluanaarutit § 70 a naapertorlugu iluanaarutisianit akileraarutininik unerartitsiffigineqarsimasut aningaasarsiat akileraaruteqaataasussat naatsorsorneqarneranni ilanngaatigineqarsinnaanngillat.". Imm. 2-5 matuma kingorna tassaalerput imm. 3-6.

2. § 19-imi, imm. 3-mi aamma imm. 4-mi allassimasut, imm. 4 aamma 5-inngortuni, "*imm. 1 aamma 2-miittut*" allanngortinneqassapput ima: "*imm. 1 aamma 3-miittut*", aammalu § 19, imm. 5-imi allassimasoq, imm. 6-inngortumi, "*Imm. 3*" allanngortinneqassaaq ima: "*Imm. 4*".

3. § 21, imm. 4-mi oqaaseqatigiit aappaattut nutaatut ilanngunneqassaaq:

"Kinaluunniit, selskabip amigartoorutaasa ukiunut tullernut nuunneqarsinnaanerannik ilisimasariaqartutut isigineqarsinnaasoq taamaaliorsinnaaneq pillugu siumut akuersissummik allanngortinneqarsinnaanngitsumik Skatterådimut qinnuteqarsinnaavoq.".

4. § 24, litra 11, ima oqaasertaqassaaq:

"11) pisortanit ikiutisiat:

a) pisuni ataasiakkaani naliliineq tunngavigalugu pisortanit pensionisianut tapiliussatut, matumani aamma meeqqanut tapiliussatut tunniunneqartut,

b) ataasiartumik ikiorsiissutitut, nuunnermi ikiutisiatut, ilisinermi ikiutisiatut, angerlarsimaffimmi ikiorteqarnermut aamma angerlarluni angalanermut ikiutisiatut tunniunneqartut,

c) ineqarnermut tapiissutitut tunniunneqartut,

d) meeqqanut inuusuttunullu ikiorsiissutitut tunniunneqartut,

e) inunnut annertuumik innarluuteqartunut ikiorsiissutitut tunniunneqartut,

f) piginnaanngorsaqqinneqarnermut atatillugu ataasiartumik ikiorsiissutitut immikkut ittumik tapiissutitut tunniunneqartut."

5. § 34 b-p kingornanut ilanngunneqassaaq:

"§ 34 c. Inuk § 1 naapertorlugu akileraartussaataitaasoq pisariaqavissuinnarnut ikiorsiissutinik § 24, litra 11 malillugu akileraaruteqaataasussaangitsutut isigineqanngitsunik pissarsisimappat, akileraarutissat tamarmiusut aningaasarsiat taakku akileraarutitaannut naapertuuttumik annertussusilinnik appartinneqassapput."

6. § 41, imm. 1-imi, allanngortinneqassapput ima "40 pct." "45 pct.-inngorlugu" aamma "20 pct." "23 pct.-inngorlugu".

7. § 47, imm. 2-mi ima oqaasertaqassaaq:

"Imm. 2. Siumoortumik nalunaarsuineq akileraaruseriffimmit isumagineqassaaq."

8. § 48, imm. 1-imi, 2-imi, 3-imi, 4-milu allasimasooq "kommissionip akileraarusiisartup" allanngortinneqassaaq ima: "akileraaruseriffup".

9. § 51 ima oqaasertaqassaaq:

"§ 51. Kommunimi akileraartarnermut oqartussaasut (pisortat akileraarusiisartut) akileraarusiineramik suliaqarnissaannut pilersaarut Skatterådip ukiut tamaasa suliarisassavaa. Pilersaarutip malinneqarnissaa kommunalbestyrelsip akisussaaffigaa.

Imm. 2. Kommunalbestyrelsip inuk kommunimi atorfeqartoq, kommunip akileraaruseriffiani akileraarusiineramik sulinermi akisussaasuusussaq toqqassavaa. Kommunalbestyrelsi kommunip akileraaruseriffiata aalajangiinerinut imaluunniit akileraaruseriffup aalajangiinerinut naammagittaalliutaasunik suliaqarnissamut akuliussinnaanngilaq.

Imm. 3. Aammattaaq Akileraartarnermut Pisortaqarfiup § 33, imm. 2-mi taaneqartunik akileraarusiinissaanut pilersaarut Skatterådip ukiut tamaasa suliarisassavaa.

Imm. 4. Akileraartarnermut Pisortaqarfiup inuk pisortaqarfimmi atorfeqartoq, pisortaqarfimmi akileraarusiineramik sulinermi akisussaasuusussaq toqqassavaa."

10. § 51-ipkingornanut ilanngunneqassaaq:

"§ 51 a. Kommunalbestyrelsit marluk amerlanerusulluunniit Naalakkersuisut akuersissuteqareernerisigut inuk kommunit arlaanni atorfeqartoq, kommunini pineqartuni akileraartussaataitaasunut tamanut ilaannulluunniit tunngatillugu akileraarusiineramik kommunip akileraartarnikkut oqartussaasuisa suliaqarneranni qullersaalluni akisussaasuusussaq toqqarsinnaavaat, tak. § 51, imm. 2. Kommunit akileraartarnermut allaffeqarfimmik ataatsimoorussamik peqarsinnaanerannik Naalakkersuisut akuersissutertik naleqquttumik piffissaliillutik atorunnaarsissinnaavaat, akuersissuteqarnermut piumasaqaatit naammassineqarsimanngitsutut Naalakkersuisunit nalilernerqapata.

Imm. 2. Kommunalbestyrelsit akileraarusiinermi suleqatigiissut, pilersaarutip malinneqarnissaa § 51, imm. 1-imi taaneqartoq akisussaaffigissavaat."

11. § 51 a-p kingornanut ilanngunneqassaaq:

"§ 51 b. Kommunalbestyrelsip ataatsip arlaqartulluunniit ataatsimoorlutik Naalakkersuisut akuersissuteqareernerisigut Akileraartarnermut Pisortaqarfimmik isumaqateqarlutik kommunimi akileraartarnermut oqartussaasut kommunimi pineqartumi kommuniniluunniit pineqartuni akileraartussaataitaasunut tamanut ilaannulluunniit tunngatillugu akileraarusiineramik suliasat tamaasa ilaalluunniit akiluteqarnermikkut Akileraartarnermut Pisortaqarfimmut nuussinnaavaat. Pilersaarutip malinneqarnissaa § 51, imm. 1-imi taaneqartoq Akileraartarnermut Pisortaqarfiup akisussaaffigissavaa.

Imm. 2. Akileraartarnermut Pisortaqarfiup, kommunimi akileraaruseriffiup kommunimilu ingerlatsiveqarfiit allat akornanni paasissutissanik kommunimi paarlaasseqatigiissinnaanerisuulli kommunimi kommuniniluunniit attuumassuteqartuni ingerlatsiveqarfiit allat paasissutissanik paarlaasseqatigisinnaavai.".

12. § 51 b-p kingornanut ilanngunneqassaaq:

"§ 51 c. Akileraartarnermut pisortat nammineerluni nalunaarsuiffissat akileraartussaataasunut tamanut, akileraartartunit ukiumi akileraarusiiffimmi januarip aallaqqaataata kinguninnguatiqut piaarnerpaamik tiguneqartussanngorlugit nassiussussavaat. Naalakkersuisut nammineerluni nalunaarsuiffissat qanoq ilusilersorneqarnissaannut nassiussorneqarnissaannullu maleruagassiat aalajangersassavaat, taamatullu aamma immersugassat akuersissutigisimasamik akileraartussaatanit qanoq atorineqarnissaannut maleruagassianik aalajangiissallutik.

Imm. 2. Akileraartartup nammineerluni nalunaarsuiffissanik nassinneqanngitsoornera nammineerluni nalunaarsuinissamut pisussaajunnaarsitsinngilaq.

Imm. 3. Nammineerluni nalunaarsuut ukiumi akileraarusiiffimmi kingusinnerpaamik ulloq 1. marts nassiunneqassaaq. Nammineerluni nalunaarsuut pisortanut akileraarusiinemik suliaqartussanut nassiunneqassaaq, tak. § 51, imm. 1.

Imm. 4. Pisortat akileraarusiisartut nammineerluni nalunaarsuummik nassitsinissap kinguartinneqarnissaa immikkut pissutissaqartillugu akuersissutigisinnaavaat, tamanna akileraarusiilluni sulinerup aaqqissuunneqarneranut piffissarlu eqqorlugu inerineqarnissaanut akornutaanngippat.".

13. § 54-ip kingornanut ilanngunneqassaaq:

"§ 54 a. Pisortat ingerlatsiviannit pisortallu ingerlatsiviannut saaffiginninnerni attaveqaatit digitaliusut atorineqarsinnaanerit pillugu Naalakkersuisut aningaasarsianit akileraarutit pillugit akileraartarnerup tungaatigut maleruagassiorsinnaapput, matumani aamma attaveqaatit digitaliusut atorineqarsinnaannginneri pillugit inatsisini piumasaasut saneqqussinnaallugit.

Imm. 2. Allakkiat atsiorneqanngitsut, atsiornermilluunniit maskiinakkoortumik allatulluunniit atsiornillit sananeqarsinnaanerit pillugu maleruagassat Naalakkersuisut akileraartarnerup tungaatigut aalajangersarsinnaavaat, taamaalluni allakkiaq allakkiamut inuup nammineq atsiorsimasaanut inatsisit tungaasigut sanilliunneqarsinnaanngorlugu.".

14. § 55 imatut oqaasertaqassaaq:

"§ 55. Akileraarutininik angissusiliineq ukiup aningaasarsiorfusup angissusiliiffigisap tulliani qaammatisiutit malillugit ukiumi kingusinnerpaamik 1. september naammassineqareersimassaaq (piffissaq akileraarusiiffimmut killiliussaq). Kommunimi akileraartarnermut oqartussaasut akileraarutininik angissusiliinernik piffissap akileraarusiiffiup ingerlanerani allanngortitsisinaapput.

Imm. 2. Siusinnerusukkut angissusiliineq nakkutilliinermi paasissutissat, uppersaatissat taakkunungaluunniit aaqqiissutissat kingusinnerusukkut tiguneqarnerat pissutigalugu, ilanngaat aalajangersimasooq aningaasarsialluunniit B-t akileraaruteqaataasussaannngitsut kukkusumik ilanngaatineqarsimanera pissutigalugu imaluunniit akileraartussaataanerup allannguuteqarnera pissutigalugu allanngortinneqassappat, kommunimi akileraartarnermut oqartussaasut angissusiliineq ukiup aningaasarsiorfusup pineqartup naanerata kingorna qaammatisiutit malillugit ukiup akileraarusiiffiup tulliani ulloq 1. september tikillugu suliareqqissinnaavaat.

Imm. 3. Skatterådip kommunimi akileraartarnermut oqartussaasut, piffissap akileraarusiiffiusup qaangiutereerneratigut akileraarutininik angissusiliinissamut imaluunniit allannguissamut

piginnaatissinnaavai.

Imm. 4. Skatterådi akileraarutinin angissusiliinermik isummerfiginnissimatillugu kommunimi akileraartarnermut oqartussaasut angissusiliisinnaanngillat allannortitsisinnaanatilluunniit. Aamma akileraarutinin angissusiliineq Skatterådimit suliarineqartillugu kommunimi akileraartarnermut oqartussaasut angissusiliisinnaanngillat allannortitsisinnaanatilluunniit. Oqaaseqatigiit aappaanni taaneqartutut ittunik pisoqartillugu kommunimi akileraartarnermut oqartussaasut allannortinniagartik pillugu Skatterådi ilisimatissavaat.

Imm. 5. Kommunimi akileraartarnermut oqartussaasut nammineerluni nalunaarutigineqartunit allaanerumik tunngaveqarlutik akileraarutinin angissusiliiniarpata, matumani aamma nammineerluni nalunaarsuiffik pissusissamisoortoq pigineqanngippat, imaluunniit kommunimi akileraartarnermut oqartussaasut nammineerluni nalunaarsugassat akileraarutinin angissusiliinermi tunngaviusussat ilaannik allannuiniarpata akileraartussaataasooq tamatuminnga allakkatigut ilisimatinneqassaaq.

Akileraartussaataasooq tassunga ilutigitillugu aamma ilisimatinneqassaaq, akileraartussaataasooq akileraarutinin angissusiliinermut akerliulluni piffissaliussap allakkat ullulernerqarneranniit sapaatip akunnerinik 4-inik sivikinnerunngitsup ingerlanerani allakkatigut oqaasiinnakkulluunniit tunngavilersuilluni akileraartarnermut oqartussaasunut saqqummiussaqaanngippat akileraarutinin angissusiliineq siunniunneqartutut angissusilerneqassasooq. Akileraartussaataasooq piffissaliussap naatinngu oqaaseqaateqarsimanngippat, akileraartarnermut oqartussaasut ilisimatitseqqeqqaaratik akileraarutinin angissusiliinissaq siunnersuutigineqartutut iluseqartillugu angissusilersinnaavaat.

Akileraartussaataasooq piffissaliussap qaangiutinnginnerani oqaaseqaateqarpat akileraarutinin angissusiliineq (nalunaarutiginninneq) allakkatigut ilisimatitsissutigineqassaaq.

Imm. 6. Imm. 5-imi oqaaseqatigiit siullersaanni aappaannilu taaneqartutut ilisimatitsisoqartariaqanngilaq akileraarutinin angissusiliineq akileraartussaataasup qinnuteqarneratigut pippat, aammalu qinnuteqarneq aalajangiinermi tamakkiisumik malinneqarpat. Taamaanngippat akileraarutinin angissusiliineq (nalunaarutiginninneq) allakkatigut ilisimatitsissutigineqassaaq."

15. § 56 imatut oqaasertaqassaaq:

"§ 56. Kommunimi akileraartarnermut oqartussaasut § 55 naapertorlugu aalajangiinerinut naammagittaalliutit Skatterådimit suliarineqartarput.

Imm. 2. Naammagittaalliut Skatterådimut nassiunneqassaaq. Naammagittaalliut Skatterådimit tiguneqareersimassaaq naammagittaalliutigineqartumut aalajangiinerup ullulernerqarneraniit sapaatip akunneri sisamat qaangiutsinnagit, imaluunniit aalajangiineq immikkut ilisimatitsissutigineqarsimanngippat, tak. § 55, imm. 6, inaarummik naatsorsuinerup nalunaarutigineqarneraniit. Naammagittaalliut piffissaliussap qaangiutereerneratigut nassiunneqarpat itigartinneqassaaq. Piffissaliussap qimmorneqarnera Skatterådip immikkut ittunik pissutissaqartillugu qaangerneqarsimappat akuerisinnaavaa.

Imm. 3. Skatterådimut naammagittaalliut allakkatigoortuussaaq. Aalajangiinerup naammagittaalliutigineqartup naeqeqqaarneqarnera assilinerqarneraluunniit naammagittaalliummut ilanngunneqassaaq. Naammagittaalliummi allassimassapput aalajangiinerup sutigut eqqunngitsuusorineqarnera tassungalu tunngavilersuut. Allakkiat uppersaatit atorumaneqartut naeqeqqaarneqarneri assilinerqarneriluunniit naammagittaalliummut ilanngunneqassapput.

Imm. 4. Naammagittaalliutit ilusiligaanera tunngavilersugaaneraluunniit pissutigalugit sulip suliareqqinneqarnissaanut tunngavissatut atorneqarsinnaanngippat, Skatterådip naammagittaalliortoq

piffissalerlugu periarfississinnaavaa amigaataasumik aaqqiinnissamut. Naammagittaalliortup amigaataasoq piffissaliussap naannginnerani aaqqinngippagu suliassaq itigartitsissutigineqassaaq.

Imm. 5. Skatterådi naammagittaalliummik aalajangiiffiginnitsinnagu pisortat oqartussaasut naammagittaalliutitigineqartumik aalajangiisimasut oqaaseqaataannik piniartoqassaaq. Pissutsit aalajangiinnermut naammagittaalliutitigineqartumut tunngasutillit immikkut pissutissaqartippassuk Skatterådi qinnuteqartoqarneratigut sivisunerusumik piffissaliisinnaavoq.

Imm. 6. Skatterådi naammagittaalliummik aalajangiiffiginnitsinnagu suliap saqqummiunneqarnera suliarineqaqqaassaaq. Suliap saqqummiunneqarnerani nassuiaatigineqassapput paasissutissaviit suliamut tunngassuteqartut aalajangiinnissami pingaaruteqartutut isiginiakkat. Naammagittaalliortup piumasaa rådip tamakkiisumik isumaqatigisinnaanngippagu suliap saqqummiunneqarnera naammagittaalliortumut nassiunneqassaaq, piffissaliussap erseqqinnerusumik ullulernerqarsimasup sapaatit akunnerinik sisamanik sivikinnerunngitsup ingerlanerani saqqummiussinnermut oqaaseqaateqaqqullugu kajumissaarlugu.

Imm. 7. Skatterådi naammagittaalliut qanorluunniit imaqaraluarpat pisinnaatitaavoq angissusiliineq ataatsimut tamaat aalajangiiffigisassanngorlugu tigussallugu.

Imm. 8. Naammagittaalliortoq Skatterådimik oqaloqateqarnermigut oqaaseqaateqarnissaminik periarfissinneqarumasinnaavoq.

Imm. 9. Skatterådip aalajangiinera nalunaarutiginnikkut suliarineqassaaq."

16. § 57 imatut oqaasertaqassaaq:

"**§ 57.** Skatterådip kommunini akileraartarnermut oqartussaasut angissusiliineri misissugassanngorlugit allanngugassanngorlugillu qaqqeqqissinnaavai. Angissusiliinermik qaffaaneq, angissusiliineq missingersuutaannarmik tunngaveqartillugu pisinnaanngilaq ukiup aningaasarsiorfiup pineqartup naaneraniit ukiut tallimat qaangiutereersimatillugit.

Imm. 2. Skatterådi aalajangiitinnagu suliap saqqummiunneqarnera suliarineqaqqaassaaq. Suliap saqqummiunneqarnerani nassuiaatigineqassapput paasissutissaviit suliamut tunngassuteqartut aalajangiinnissami pingaaruteqartutut isiginiakkat. Suliap saqqummiunneqarnera akileraartussaataasumut nassiunneqassaaq, piffissaliussap erseqqinnerusumik ullulernerqarsimasup sapaatip akunnerinik sisamanik sivikinnerunngitsup ingerlanerani saqqummiussinnermut oqaaseqaateqaqqullugu kajumissaarlugu.

Imm. 3. Skatterådip suliassat § 56 aamma § 57, imm. 2 malillugit aalajangiiffigineqarsimasut suliareqqissinnaavai. Suliareqqiinnermi imm. 2-mi aalajangersakkat atuutissapput."

17. § 58 atorunnaarsinneqassaaq.

18. § 59 ima oqaasertaqassaaq:

"**§ 59.** Skatterådip § 21, imm. 4, § 56, § 57 kiisalu § 66, imm. 2, malillugit aalajangiineri akileraartussaatait Kalaallit Nunaata Eqqartuussivianut suliarinnittussamut siulliusumut suliassiissutigineqarsinnaapput, aalajangiinerup kingorna qaammatit arfinillit qaangiutsinnagit. Pissutsinik immikkorluinnaq ittunik tunngavissaqartillugu, landsdommerip piffissaliunneqartoq qimmorneqaraluarpalluunniit suliassiissutigineqartoq akuersaarsinnaavaa. Suliassiissutigineqartut tassaapput Kalaallit Nunaanni Naalakkersuisut.

Imm. 2. Suliap Skatterådimut suliassiissutigineqarneraniit qaammatit aqqaneq-marluk qaangiussimappata, Skatterådi aalajangiisimanngikkaluarpalluunniit suliap Kalaallit Nunaata Eqqartuussivianut suliarinnittussamut siulliusumut suliassiissutigineqarsinnaavoq.

Imm. 3. Naalakkersuisut imm. 1-imi aalajangersakkatigut piumasaasut malillugit Skatterådip § 56, § 57

kiisalu § 66, imm. 2 malillugit aalajangiineri Kalaallit Nunaata Eqqartuussivianut suliarinnittussamut siullermut suliaassiissutigisinnaavaat. Suliassiissutigineqartoq tassaassaaq akileraartussaataitaq".

19. § 70, imm. 2-mi oqaaseqatigiit aappaattut nutaatut ilanngunneqassaaq:

"Aktianilli amerlanernik piginnittuusup selskabi selskabimut allamut, pineqartup aktianik amerlanernik piginnittuuffigisaanut pigisanik nalilinnik tunisaqarsimasooq atorunnaarsippagu, pigisat aningaasanngortitaaneranni iluanaarutit iluanaarutisiatut naatsorsorneqarneranni § 14, imm. 3-imi maleruagassatut naatsorsuullugit isigineqassapput."

Oqaaseqatigiit aappaat matuma kingorna tassaalerpoq oqaaseqatigiit pingajuat.

20. § 70-imi imm. 2-p kingorna immikkoortutut nutaatut ilanngunneqassaaq:

"Imm. 3. Aktiaatilik aktianik amerlanernik piginnittuusutut isigineqassaaq, tak. imm. 2, pineqartup nammineerluni imaluunniit katissimallugu aapparisanik, angajoqqaani, aatakkuni aanakkunilu aamma qitornat, ernuttat taakkualu katissimallugu aapparisaat peqatigalugit ukiut kingulliit tallimat ingerlaneranni aktiatigut aningaasaatit 25 pct.-ii amerlanerusulluunniit piffissami sumiluunniit pigisimappagit, imaluunniit piffissami tassani taasisinnaanerup nalingata 50 pct.-ii sinnerlugit taasisinnaasimappat. Qitornassaqaarneq qitornavissiaqaarneq kinguaariivinnermut sanilliunneqarput". Imm. 3 aamma 4 matuma kingorna tassaalerput imm. 4 aamma 5.

21. § 70-ip kingornanut ilanngunneqassaaq:

"§ 70 a. Selskabi sulisorisat aktiaataannik utertitsilluni sulisunut allanut tuneqqitassanik pisisooq iluanaarutisianik akileraarutit selskabip akileraarfittut kommuniani, tak. § 33, qaammatisiutit malillugit ukiumi pineqartumi procentit akileraarusiissutit tamarmiusut, tak. §§-it 27-miit 29-mut, aamma procentip selskabip akileraarutaata § 26 a-mi aalajangersarneqartup assigiinngissutaattut annertutigisut unerartissavai.

Imm. 2. Selskabip aningaasanik niuerfimmi nalunaarsorneqarsimasup nammineq aktiaatini utertillugit pisiarigunigit iluanaarutisianik akileraarutit imm. 1-imi taaneqartutuulli unerartitsissaaq.

Imm. 3. Selskabimi, aktianik amerlanernik piginnittuusup pigisaasa aningaasanngortitaanerat iluanaarutit isigineqarpat tak. § 70, imm. 2, oqaaseqatigiit aappaannisuulli iluanaarutisianik akileraarutit imm. 1-imi taaneqartutuulli unerartinneqassapput.

Imm. 4. Selskabi kinguaariit nikinnerannut atatillugu aningaasanik agguassippat iluanaarutisianik akileraarummik imm. 1-imi taaneqartutuulli unerartitsissaaq, matumani aamma kinguaariit ingerlaavartumik nikittarneranni atsiornikkut isumaqatigiissuteqartoqarsimatillugu. Isumaqatigiissutit malillugit kinguaariit nikingitsoorpata iluanaarutisianik akileraarutit § 70, imm. 1 naapertorlugu, isumaqatigiissutit atorunnaarneraniit qaammat ataaseq qaangiutsinnagu selskabi akileraareersimassaaq, iluanaarutisianik akileraarut imm. 1 naapertorlugu siusinnerusukkut akileraarsimasooq ilanngaatiigereerlugu."

22. § 71-imi oqaaseqatigiit aappaattut nutaatut ilanngunneqassaaq:

"Aningaasaatinik agguassineruppat iluanaarutisianik akileraarutit unerartitat killiliussamiit qaammat ataaseq qaangiutsinnagu akileraareersimassaaq."

Oqaaseqatigiit aappaannit taallimaannut matuma kingorna oqaaseqatigiit pingajuanniit arfernganunngortinneqassapput.

23. § 73 ima oqaasertaqassaaq:

"§ 73. Kinaluunniit § 3 naapertorlugu akileraartussaataitaanngitsoq iluanaarutit, § 70 imaluunniit § 70 a malillugu iluanaarutisiat akileraarutitaannik unerartitsiffigineqarsimasunik pissarsisimappat

akileraarutitaat kommunalbestyrelsip attuumassuteqartup qinnuteqartoqarneratigut utertissavai. Peqatigiiffilli suleqatigiillunilu iluanaarniaqatigiiffiit § 1, imm. 1, nr. 12-imi taaneqartut § 3, imm. 2 naapertorlugu akileraarusiiffigineqartussaannikkaluarlutik iluanaarutisianit akileraarutit unerartinneqarsimasut utertissinnaanngilaat."

24. § 86 ima oqaasertaqassaaq:

"§ 86. Inuussutissarsiummik ingerlassaqartuq naatsorsuusiortartuq kinaluunniit, inatsisit malillugit naatsorsuusiortussaataitaaguni taamaanngikkuniluunniit akileraartarnermut oqartussaasunit qinnuigineqaruni pisussaavoq naatsorsuutini bilaginillu ukiunut naatsorsuusiortinnut siusinnerusunut ukiumullu naatsorsuusiortinnut ingerlasumut tunngasunik nassiussissalluni. Pisussaaffik aammattaaq atuuppoq allakkianut allanik akileraarusiinnermut, matumani aamma nunamut maanga akileraartussaataitaanerup aalajangiiffigineqarnissaanut pingaaruteqarsinnaasunik nassiussissalluni. Nassiussisussaataitaanermi aamma ilaapput akileraartussaataitaasup nunami allami, Danmarkimi Savalimmiuniluunniit suliffeqarfiutaanut tunngatillugu naatsorsuutitut il.il. tunngasut.

Imm. 2. Aamma taamaaliornissamut imm. 1 malillugu pisussaapput kikkulluunniit inatsisit tungaasigut inuttut isigineqarsinnaasut, inuussutissarsiuteqartuugunik taamaattuunngikkuniluunniit.

Imm. 3. Naatsorsuutit il.il. inummi pingajuusumiippata taassuma taakkuninnga tunniussinngikkallarsinnaatitaagaluaruniluunniit akileraartarnermut oqartussaasunit qinnuigineqaruni tunniutissavai, taakkulu atortussat atoreerunikkut inummut pingajuusumut tassunga utertinneqarnissaat isumagissavaat.

Imm. 4. Akileraartarnermut oqartussaasut eqqartuussisunit akuersissummik peqaqqaanngikkaluarlutik kinaassutsiminnik uppersaateqarlutik sukkulluunniit pisariaqartutut isigineqarpat imm. 1-imi 2-milu inuit taaneqartut sumiiffianniillutik misissuinissamut piginnaatitaapput. Misissuisinnaatitaanermut piginnaatitaanerup ilaatigut ilaqartinneqarpoq taakku naatsorsuutaannik bilaginillu aammalu allakkianik allanik akileraarusiinnermut pingaaruteqarsinnaasunik misissuinissamut aammalu karsimiittuutunik assigisaannillu naatsorsuinissamut piginnaatitaaneq. Maleruagassat taakku malillugit akileraartarnermut oqartussaasut aamma inuussutissarsiuteqartut sumiiffianniillutik quersuarmiittuutunik (lagerimiittuutunik), nersutaatinik, pequtunik, maskiinanik ingerlatsinermilu atortunik allanik naatsorsuisinnaatitaallutillu naliliisinnaatitaapput. Piginnittup taassumalu sulisuisa akileraartarnermut oqartussaasut misissuineranni pisariaqartitsineq naapertorlugu ilitersuullutillu ikiutissapput.

Imm. 5. Paasissutissat naatsorsuutitut il.il. tunngasut qarasaasiani nalunaarsorneqarsimappata akileraartarnermut oqartussaasut paasissutissanik taakkuninnga takunnissinnaatitaanerat qarasaasianut aamma atuutissaaq.

Imm. 6. Akileraartarnermut oqartussaasut imm. 4 naapertorlugu misissuinissaanni politiit ikiutissapput, maleruagassat Naalakkersuisut inatsisinillu atortitsinermi ministeriaqarfiup isumaqatigiinniarnersigut aalajangersarneqartut naapertorlugit."

25. § 87 atorunnaarsinneqassaaq.

26. § 114 atorunnaarsinneqassaaq.

27. § 115-imi, imm. 2-imi oqaaseqatigiit aappaat atorunnaarsinneqarpoq."

28. § 115-imi, imm. 5-mi allassimasoq "kommunini kommissioninik akileraarusiisartunik" allannngortinneqassaaq ima "kommunini akileraaruseriffiit".

29. § 115-imi, imm. 9-imi allassimasoq: "kommissionip akileraarusiisartup siunnersuuteqarneratigut".

Peerneqassaaq.

30. Kapitali 11-imi qulequtsiunneqartoq: "Kommissioni akileraarusiisartoq", atorunnaarsinneqarpoq.

§ 2.

Inatsisartut inatsisaat ulloq 1. januar 2005 aallarnerfigalugu atuuttuulissaaq.

Namminersornerullutik Oqartussat, ulloq 11. november 2004

Hans Enoksen

/

Josef Motzfeldt

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut